

SANITÉ

Le dotur Eduard Agreiter é demez dai 16 ai 20 de ma y vëgn sostituì dala doturia Grete Mahlkecht (0474 523 018 o 349 06 67 034)

SAN MARTIN Y LUNGIARÜ

La Uniun di Èi inviëia düc i èi y i jogn ala prozesciun cun linternes/ ciandëres da se tó do, en vëndres, ai 13 de má, che pëia ia dales 21.00 da Porsenú (plaza Aquarena) cuntra Neustift, dailó Mëssa. Na coriera aposta passa ia dala Burcia da San Martin dales 19.20. Anunziësse pro Leo 348 40 96 351 cina ai 10 de ma.

SAN MARTIN

Cun ligrëza tolunse ite i mituns y les mitans dla pröma comuniun te nosta comunità incër la mësa dl alté al past dl Signur, a chël ch'al inviëia pici y gragn. Gejù dij pô tl vangele do Lûca (22,15): I m'â dër dejdré da tigní chësc past cun os. Insciö ti audunse ai mituns y ales mitans dla pröma comuniun, y ince a nos, na bela incuntada sintida cun Gejù y inanter nos y na bela festa che ti restes imënt por döta la vita a chisc pici: Jacopo Gadda, Matthias Kastlunger, Nicola Orlando, Jenni Pedevilla, Alia Pezzei, Anna Planatscher, Jana Taibon, Elias Verginer, Pooja Verginer, Alex Videsott y Greta Zingerle

LUNGIARÜ

La Uniun di Èi da Lungiarü inviëia düc al peregrinaje a Weißenstein en domënia ai 22 de ma. I piun ia dales 06.45 dala plaza sura scora y rovun a ciasa dales 17.00. La Mëssa é dales 10.00, marëna dales 12.00 y söl iade dërevers storjunse pro a Neustift. Le cost por le bus é de 17 € por i gragn y 10 € por chi sot a 18 agn. Prenotaziuns pro Dolorico Mischi 347 94 70 133 cina ai 15 de má.

La Uniun dles Patrones inviëia tl salf di stödafüch a San Martin al referat en mercui, ai 11 de ma, dales 20.00 - 21.30 cun l'espert Alexander Huber. "Blumen-Beeren- und Wildsträucher". Dedô baratada de ciüf o somënzes. Düc pó se tó do ciüf, pelzes o somënzes ch'ai n'adora nia plü y les baraté ite cun d'atres.

Conzert d'aisciöda: N cor de mitans y mituns y l'orchestra d'archëc dla Scora de Musiga dla Val Badia ves inviëia al conzert d'aisciöda, en sabeda, ai 14 de ma, dales 17.00 tl salf dl Istitut Ladin.

L'Istitut Ladin y la Biblioteca "Sas dla Crusc" inviëia en vëndres, ai 13 de má, dales 15.00, tla biblioteca da San Martin a n domisdé da pastelne por pici y gragn. Por le numer limité periunse da se prenoté 0474 523 110.

Les Patrones mët a jí n iade a Parco Giardino Sigurtà a Valeggio sul Mincio, dlungia le Lech de Garda. Le iade vëgn organisé cun les patrones de döta la Val Badia por i 19 de ma. I piun ia incër les 6.30 da Picolin. Por informaziuns plü menüdes y se prenoté cherdede sö Verena 340 34 55 675. Les prenotaziuns vëgn tutes sö cina la jöbia, ai 15 de ma. Präibel tolësse cun os le mascherot FFP2.



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita


08.05. - 15.05.22 nr. 24

ultimo termo por comunicaziuns: jöbia, dales 20.00

4ª DOMÈNIA DE PASCA - C

Vangele do Jan 10,27-30

Te chël tēmp à Gejù dit:
Mies bisces ascuta mia usc;
iö les conësci y ares me vëgn do.
Iö ti dà vita eterna.
Ares ne jarà mai ademal
y degügn ne m'les straciara
fora de mia man.
Mi Pere, che me les à dè,
é plü gran co düc,
y degügn n'é bugn da ti les stracè
fora dla man a mi Pere.
Iö y le Pere sun na cossa sóra.




Èl su é le dër famëi:

Chël Bel Dî, che é gnü a vire danter nos te Gejù Crist
y che nes acompagnëia tl Spirit Sant.

Mo ince nos sun düc invia da fá le famëi o la famëia y da jí a vardé.
Vignöna y vignun dess te so post ester chiló por l'atra y por l'ater,
adoré y mète a fruté i talënc che ti é gnüs afidá.
Chësc sciafion da fá sciöche uma o pere, fre o so,
sciöche paura o artejan, sciöche impiegate o ti sorvisc sanitaris,
da jogn, da gragn y ince da vedli.

Ponsun mo n pü' do: Olá m'á pa Idî metü me sciöche famëi o famëia?
Por che o por ci dessi pa iö fistidié sciöche famëi o famëia?

Sc'i toli söl sciode chësta inciaria,
ne n'ái nia bria da aspeté a chësc o a d'ater, mo i pó mète man atira. R.R.

EDEMA	SAN MARTIN	LUNGIARÜ	PRÖMA COMUNIUN
08.05.22 4ª DOMËNIA DE PASCA <i>Domënia dles Vocaziuns</i> Festa dla Uma	Festa dla Pröma Comuniun 9.30 Ingres dala scora Mëssa da festa por i neocomunicanc 14.00 Prozesciun da San Linert sö Oies 19.30 Corona de ma sö Ju	7.50 Corona 8.15 Gran Mëssa por la Comunità en onú dl Sanch prezius de Gejú 14.00 Prozesciun da San Linert sö Oies por perié do vocaziun	 <i>Gejú, i sá che t'es te me y i sá che t'os sté tres te me. I sá che te m'os bun y che t'os me daidé. I sá ch'i pó ince t'odëi y t'incunté tla jënt incër me ia, te mia familia, ti compagns, tla comunité. I sá che cun chi che t'ó bun oste fá le monn plü pros y plü bel. I sá che te me mostres le dër tru y che t'os me stravardé dal mal. I sá che te m'ascutes sc'i te prëii. I sá che te me consolëies, che te me deures to cör y ch'i podará ester por tres pro te.</i>
09.05.22 <i>Beat, Luisa de Marillac</i> Lönesc	19.30 Corona de ma a Picolin		
10.05.22 Dedolönesc <i>Iob, Gordian, Antonin</i>	19.00 Mëssa + Iarone Rubatscher por les Püres Animes		
11.05.22 Dedemesaledema <i>Iachin, Fabio</i>	20.00 Corona de ma a Frëina	7.30 Mëssa + Gottfried Dapoz ++ de Iachin Oraziun por la pesc	
12.05.22 Jöbia <i>Pancraz, Achil, Imelda</i>	7.30 Mëssa de rengr. a Santa Maria da Absam vis y def. fam. Trebo, Pension Tor Corona por vocaziuns 19.30 Corona de ma a Bioch		
13.05.22 Vëndres <i>Santa Maria da Fatima, Servaz</i>	18.30 Adoraziun chîta 19.00 Adoraziun deboriada	7.30 Mëssa ++ Teresa y Pasquale Wieser + Vittoria Clara, Somvî	
14.05.22 Sabeda <i>Bonifaz, Costanz</i>	20.00 Mëssa prefestia fam. de Herbert Videsott ++ Alfred y Erica Videsott	18.30 Mëssa prefestia por i nüc Hubert Clara y Ester Moling por fam. Sepl y Irma Clara dl ann + Iaco Mischi	
15.05.22 5ª DOMËNIA DE PASCA <i>Sofia</i>	9.00 Corona de ma 8.15 Gran Mëssa por la Comunità ++ siur Angel Morlang y siur Franz Sottara + Tone Tolpeit (dl ann) + Giovanni Flöss 19.30 Corona de ma sö Ju	Festa dla Pröma Comuniun 9.30 Ingres dala scora Mëssa da festa por i neocomunicanc 15.00 Corona tla capela de S. Ojöp Fr.	
 La quarta domënia de Pasca é ince le Dé de Oraziun do Vocaziuns. Deboriada cun le Papa præia dōta la Dlijia do deplü vocaziuns, por che deplü porones ti vais do ala cherdada y al invit da dediché sūa vita ala buna noela y al rëgn de Dî sciöche famëis y famëies che acompagnëia cun ligrëza les comunitês cristianes.			FESTA DLA UMA  <i>En chësc ann toma la Domënia dl Bun Famëi adöm cun le De dla Uma, na coinzidënza che á ince sūa buna rajun. Les umes é scialdi les prömes famëies de sū mituns y ares le resta gonot ince por dōta sūa vita. N dit dij: Deache Chël Bel Dî ne sciafia nia da ester indlunch, ál cherié les umes. Insciö nes mostra le fistide dl Bun Famëi ince la bunté materna de Chël Bel Dî.</i>